

期末考试“闪词接句”部分复习资料

一、《论语》部分

- 1.子曰：学而时习之，不亦说乎？有朋自远方来，不亦乐乎？人不知而不愠，不亦君子乎？
- 2.子曰：巧言令色，鲜矣仁。
- 3.曾子曰：吾日三省吾身，为人谋而不忠乎？与朋友交而不信乎？传不习乎？
- 4.子曰：弟子入则孝，出则弟，谨而信，泛爱众而亲仁，行有余力，则以学文。
- 5.有子曰：礼之用，和为贵。先王之道，斯为美。
- 6.子曰：《诗》三百，一言以蔽之，曰思无邪。
- 7.子曰：吾十有五而志于学，三十而立，四十而不惑，五十而知天命，六十而耳顺，七十而从心所欲，不逾矩。
- 8.子曰：温故而知新，可以为师矣。
- 9.子曰：学而不思则罔，思而不学则殆。
- 10.子曰：由，诲女知之乎？知之为知之，不知为不知，是知也。
- 11.子曰：关雎，乐而不淫，哀而不伤。
- 12.子曰：朝闻道，夕死可矣。
- 13.子曰：不患无位，患所以立；不患莫己知，求为可知也。
- 14.子曰：君子喻于义，小人喻于利。
- 15.见贤思齐焉，见不贤而内自省也。
- 16.子曰：父母在，不远游，游必有方。
- 17.子曰：德不孤，必有邻。

- 18.老者安之，朋友信之，少者怀之。
- 19.子曰：贤哉！回也。一簞食，一瓢饮，在陋巷，人不堪其忧，回也不改其乐。贤哉！回也。
- 20.质胜文则野，文胜质则史。文质彬彬，然后君子。
- 21.知之者不如好之者，好之者不如乐之者。
- 22.知者乐水，仁者乐山。知者动，仁者静。知者乐，仁者寿。
- 23.志于道，据于德，依于仁，游于艺。
- 24.饭疏食、饮水，曲肱而枕之，乐亦在其中矣！不义而富且贵，于我如浮云。
- 25.子不语怪、力、乱、神。
- 26.子曰：三人行，必有我师焉。择其善者而从之，其不善者而改之。
- 27.君子坦荡荡，小人长戚戚。
- 28.兴于诗，立于礼，成于乐。
- 29.不在其位，不谋其政。
- 30.子绝四：毋意，毋必，毋固，毋我。
- 31.子在川上曰：逝者如斯夫！不舍昼夜。
- 32.三军可夺帅也，匹夫不可夺志也。
- 33.岁寒，然后知松柏之后凋也。
- 34.未能事人，焉能事鬼？
- 35.未知生，焉知死？
- 36.克己复礼为仁。一日克己复礼，天下归仁焉。
- 37.非礼勿视，非礼勿听，非礼勿言，非礼勿动。
- 38.己所不欲，勿施于人。

- 39.死生有命，富贵在天。
- 40.自古皆有死，民无信不立。
- 41.君子成人之美，不成人之恶。
- 42.名不正，则言不顺；言不顺，则事不成；事不成，则礼乐不兴；礼乐不兴，则刑罚不中；刑罚不中，则民无所措手足。
- 43.不在其位，不谋其政。
- 44.不怨天，不尤人，下学而上达。
- 45.君子固穷，小人穷斯滥矣。
- 46.工欲善其事，必先利其器。
- 47.人无远虑，必有近忧。
- 48.巧言乱德。小不忍，则乱大谋。
- 49.道不同，不相为谋。
- 50.益者三友:友直、友谅、友多闻。
- 51.损者三友:友便辟、友善柔、友便佞。
- 52.君子有三畏：畏天命，畏大人，畏圣人之言。
- 53.不学《诗》，无以言。不学《礼》，无以立！
- 54.性相近也，习相远也。
- 55.《诗》，可以兴，可以观，可以群，可以怨。

二、古歌谣部分

1. **击壤歌**：日出而作，日落而息。凿井而饮，耕田而食，帝力于我何有哉！（《帝王世纪》）

2. **卿云歌**：卿云烂兮，糺 jiu 纚纚兮。日月光华，旦复旦兮。（《尚书·大传》）

3. **越人歌**: 今夕何夕兮, 搴 qiān 洲中流, 今日何日兮, 得与王子同舟。
蒙羞被好兮, 不訾 zī 诟耻, 心几烦而不绝兮, 得知王子。山有木兮木
有枝, 心说君兮君不知。(《刘向·说苑》)

4. **沧浪歌**: 沧浪之水清兮, 可以濯我缨; 沧浪之水浊兮, 可以濯我足。
(《楚辞·渔父》)

5. **侯人歌**: 侯人兮猗! (《吕氏春秋·音初篇》)

三、《诗经》精选

1. 【诗经·周南·关雎】

关关雎鸠, 在河之洲。窈窕淑女, 君子好逑。
参差荇菜, 左右流之, 窈窕淑女, 寤寐求之。
求之不得, 寤寐思服。悠哉悠哉, 辗转反侧。
参差荇菜, 左右采之, 窈窕淑女, 琴瑟友之。
参差荇菜, 左右芼之, 窈窕淑女, 钟鼓乐之。

2. 【诗经·周南·桃夭】

桃之夭夭, 灼灼其华。之子于归, 宜其室家。
桃之夭夭, 有蕢其实。之子于归, 宜其家室。
桃之夭夭, 其叶蓁蓁。之子于归, 宜其家人。

3. 【诗经·周南·汉广】

南有乔木, 不可休思。汉有游女, 不可求思。
汉之广矣, 不可泳思。江之永矣, 不可方思。
翘翘错薪, 言刈其楚。之子于归, 言秣其马。

汉之广矣，不可泳思。江之永矣，不可方思。

翘翘错薪，言刈其蔕。之子于归，言秣其驹。

汉之广矣，不可泳思。江之永矣，不可方思。

4. 【诗经·邶风·击鼓】

击鼓其镗，踊跃用兵。土国城漕，我独南行。

从孙子仲，平陈与宋。不我以归，忧心有忡。

爰居爰处？爰丧其马？于以求之？于林之下。

死生契阔，与子成说。执子之手，与子偕老。

于嗟阔兮，不我活兮。于嗟洵兮，不我信兮。

5. 【诗经·邶风·静女】

静女其姝，俟我于城隅。爱而不见，搔首踟蹰。

静女其变，贻我彤管。彤管有炜，说怿女美。

自牧归荑，洵美且异。匪女之为美，美人之贻。

6. 【诗经·卫风·硕人】节选

硕人其颀，衣锦褰衣。齐侯之子，卫侯之妻，东宫之妹，

邢侯之姨，谭公维私。

手如柔荑，肤如凝脂，领如蝤蛴，齿如瓠犀，螭首蛾眉，

巧笑倩兮，美目盼兮。

7. 【诗经·卫风·木瓜】

投我以木瓜，报之以琼琚。匪报也，永以为好也！

投我以木桃，报之以琼瑶。匪报也，永以为好也！

投我以木李，报之以琼玖。匪报也，永以为好也！

8. 【诗经·王风·黍离】

彼黍离离，彼稷之苗。行迈靡靡，中心摇摇。

知我者，谓我心忧；不知我者，谓我何求。悠悠苍天，此何人哉？

彼黍离离，彼稷之穗。行迈靡靡，中心如醉。

知我者，谓我心忧；不知我者，谓我何求。悠悠苍天，此何人哉？

彼黍离离，彼稷之实。行迈靡靡，中心如噎。

知我者，谓我心忧；不知我者，谓我何求。悠悠苍天，此何人哉？

9. 【诗经·王风·采葛】

彼采葛兮，一日不见，如三月兮！

彼采萧兮，一日不见，如三秋兮！

彼采艾兮！一日不见，如三岁兮！

10. 【诗经·郑风·子衿】

青青子衿，悠悠我心。纵我不往，子宁不嗣音？

青青子佩，悠悠我思。纵我不往，子宁不来？

挑兮达兮，在城阙兮。一日不见，如三月兮。

11. 【诗经·唐风·绸缪】

绸缪束薪，三星在天。今夕何夕，见此良人？子兮子兮，如此良人何？

绸缪束刍，三星在隅。今夕何夕，见此邂逅？子兮子兮，如此邂逅何？

绸缪束楚，三星在户。今夕何夕，见此粲者？子兮子兮，如此粲者何？

12. 【诗经·秦风·蒹葭】

蒹葭苍苍，白露为霜。所谓伊人，在水一方。

溯洄从之，道阻且长。溯游从之，宛在水中央。

蒹葭萋萋，白露未晞。所谓伊人，在水之湄。

溯洄从之，道阻且跻。溯游从之，宛在水中坻。

蒹葭采采，白露未已。所谓伊人，在水之涘。

溯洄从之，道阻且右。溯游从之，宛在水中沚。

13.【诗经·小雅·鹿鸣】

呦呦鹿鸣，食野之苹。我有嘉宾，鼓瑟吹笙。吹笙鼓簧，承筐是将。人之好我，示我周行。

呦呦鹿鸣，食野之蒿。我有嘉宾，德音孔昭。视民不怵，君子是则是效。我有旨酒，嘉宾式燕以敖。

呦呦鹿鸣，食野之芩。我有嘉宾，鼓瑟鼓琴。鼓瑟鼓琴，和乐且湛。我有旨酒，以燕乐嘉宾之心。

14.【诗经·小雅·采薇】

采薇采薇，薇亦作止。日归日归，岁亦莫止。

靡室靡家，玁狁之故。不遑启居，玁狁之故。

采薇采薇，薇亦柔止。日归日归，心亦忧止。

忧心烈烈，载饥载渴。我戍未定，靡使归聘。

采薇采薇，薇亦刚止。日归日归，岁亦阳止。

王事靡盬，不遑启处。忧心孔疚，我行不来！

彼尔维何？维常之华。彼路斯何？君子之车。

戎车既驾，四牡业业。岂敢定居？一月三捷。

驾彼四牡，四牡骎骎。君子所依，小人所腓。

四牡翼翼，象弭鱼服。岂不日戒？玃狁孔棘！

昔我往矣，杨柳依依。今我来思，雨雪霏霏。

行道迟迟，载渴载饥。我心伤悲，莫知我哀！

四、《楚辞》名句精选

1. 朝饮木兰之坠露兮，夕餐秋菊之落英。（《离骚》）

2. 长太息以掩涕兮，哀民生之多艰。（《离骚》）

3. 路曼曼其修远兮，吾将上下而求索。（《离骚》）

4. 帝子降兮北渚 zhǔ，目眇眇 miǎo 兮愁予。（《湘夫人》）

5. 袅袅兮秋风，洞庭波兮木叶下。（《湘夫人》）

6. 若有人兮山之阿，被 pī 薜荔 bì lì 兮带女萝，既含睇 dì 兮又宜笑，子慕予兮善窈窕。（《山鬼》）

7. 秋兰兮麋芜 mí wú，罗生兮堂下；绿叶兮素华，芳菲菲兮袭予。（《少司命》）

8. 满堂兮美人，忽独与余兮目成。（《少司命》）

9. 悲莫悲兮生别离，乐莫乐兮新相知。（《少司命》）

10. 青云衣兮白霓裳，举长矢兮射天狼。（《东君》）

五、其他诗歌

1. **上邪：**

上邪！我欲与君相知，长命无绝衰。山无陵，江水为竭，冬雷震震，夏雨雪，天地合，乃敢与君绝！（汉乐府民歌）

2. 李延年《佳人歌》：

北方有佳人，绝世而独立。一顾倾人城，再顾倾人国。
宁不知倾城与倾国？佳人难再得。

3. 《箜篌引》：

公无渡河，公竟渡河。堕河而死，其奈公何。

4. 李白《忆秦娥》：

箫声咽，秦娥梦断秦楼月。秦楼月，年年柳色，灞陵伤别。
乐游原上清秋节，咸阳古道音尘绝。音尘绝，西风残照，汉家陵阙。

5. 李贺《苏小小墓》：

幽兰露，如啼眼。无物结同心，烟花不堪剪。
草如茵，松如盖。风为裳，水为佩。
油壁车，夕相待。冷翠烛，劳光彩。
西陵下，风吹雨。